



## BASES DA CAMPAÑA E SORTEO

### “DÍAS AZUIS DO COMERCIO GALEGO” – EDICIÓN OUTONO 2022

1. ***“DÍAS AZUIS DO COMERCIO GALEGO”***, é unha campaña promocional e publicitaria, promovida e organizada pola **Federación Galega de Comercio** e a **VICEPRESIDENCIA PRIMEIRA - CONSELLERÍA DE ECONOMÍA, INDUSTRIA E INNOVACIÓN, Dirección Xeral de Comercio e Consumo**, coa colaboración de **ABANCA**.

Esta última entidade aporta os premios a sortear nesta campaña, consistentes en **TARXETAS PREPAGO** polos importes que se especificarán no apartado de “premios”, e que deberán ser utilizadas de novo polos agraciados para mercar no comercio de proximidade galego.

A “Edición Outono 2022” desta **campaña promocional**, iniciárase en data **1 de novembro de 2022** e rematará o **20 de novembro de 2022**; ambos engadidos.

O ámbito da campaña é autonómico, podendo participar consumidores/clientes do pequeno comercio retalista das catro provincias galegas: *A Coruña, Lugo, Ourense e Pontevedra*, segundo a mecánica de funcionamento que se detalla nas presentes bases.

2. O **OBXECTIVO FUNDAMENTAL DA CAMPAÑA** é incrementar as vendas e incentivar o consumo no comercio retalista de Galicia.

3. A DINÁMICA E FUNCIONAMENTO DA CAMPAÑA/SORTEO É O SEGUINTE:

Trátase dunha **campaña “aberta”**, na que **poderán participar tódolos consumidores maiores de idade**, que se rexistren a tal efecto seguindo as **indicacións detalladas seguidamente neste apartado**, e que realicen unha **compra por calquera importe en comercios retailistas galegos**, sempre e cando a compra se realice durante as datas de duración da correspondente edición da campaña. Isto é, do **1 ó 20 de novembro de 2022**, ambos engadidos.

**Non poderán participar nesta campaña/sorteo os traballadores da Federación Galega de Comercio nin os comerciantes participantes na mesma**

Así pois, os consumidores ou clientes que merquen no pequeno comercio retalista galego nas datas sinaladas (entre o 1 e o 20 de novembro de 2022, ambos engadidos) e que desexen participar na campaña, deberán en todo caso **conservar o ticket da compra realizada no comercio tradicional, ou fotografía do mesmo, a fin de dispoñer dun xustificante, SENDO AS MODALIDADES DE INSCRIPCIÓN E REXISTRO DA COMPRA REALIZADA AOS EFECTOS DE PARTICIPAR NO SORTEO, AS DÚAS SEGUINTES:**

- *O consumidor/cliente poderá rexistrarse para participar nesta campaña/sorteo a través da plataforma/dirección web habilitada a tal efecto e denominada [www.diasazuis.com](http://www.diasazuis.com), efectuando o correspondente rexistro da operación de compra realizada no comercio tradicional retalista, que lle dará dereito a 1 participación no sorteo. No rexistro deberá quedar perfectamente identificada a operación da compra realizada e o cliente/consumidor.  
*So se poderá facer un rexistro por operación de compra, e cada operación de compra rexistrada equivale a 1 participación. Cantas máis compras fagan no pequeno comercio, máis participacións poderán obter e máis posibilidades de gañar.**
- *Outra modalidade de rexistrarse para participar nesta campaña/sorteo será contando coa colaboración activa do comerciante retalista se éste o desexa (modalidade de participación a realizar exclusivamente no establecemento comercial), e a través do espazo da plataforma habilitado a tal efecto denominado [www.diasazuis.com/comercios](http://www.diasazuis.com/comercios), debendo quedar así mesmo perfectamente rexistrada a operación de compra no comercio tradicional, así como plenamente identificado o consumidor/cliente.*



Esta modalidade dá ao consumidor/cliente a posibilidade de obter 2 participaci3ns para o sorteo por cada operaci3n de compra rexistrada deste xeito.

Sinalar que quedan excluídos de participar no sorteo todos os **tickets de compras efectuadas** en establecementos incluídos no Sistema Nacional de Pago baixo calquera dos seguintes C3digos de Actividade Interbancaria: Alcampo (1387, 1524, 2387, 2524, 5335), Carrefour (1386, 1389, 1423, 1525, 2386, 2525) El Corte Ingl3s (5959), Hipercor (5338), Eroski (1388, 1415, 1416, 1417, 1446, 1529, 2388, 2529). Do mesmo xeito, excluiranse os tickets de compras realizadas en gasoleiras: Alcampo Gasoleiras, Consum Gasoleiras, CEPSA, Agip, BP Oil, Retail Operating Company, Makro Gasoleiras, Leclerc Gasoleiras, Corp. Alim. Guissona Gasoleiras, Bon Preu Gasoleiras, Uvesco Gasoleiras, Eroski Gasoleiras, Repsol, Campsa, as3 como venda de combustible a domicilio.

#### 4. REALIZACI3N DO SORTEO

O SORTEO ter3 lugar **ante notario** en data de **24 de novembro de 2022, 3s 12.00 horas**, na sede da FEDERACI3N GALEGA DE COMERCIO. A realizaci3n do sorteo ter3 lugar de **xeito telem3tico mediante un c3digo programado que elixir3 aleatoriamente aos agraciados de entre t3dolos participantes**, ata rematar a totalidade de premios/tarxetas prepago dispoñibles para sortear en cada edici3n da campaa.

A **realizaci3n telem3tica do sorteo polo sistema referido non ser3 aberta ao p3blico**, sendo o resultado do mesmo comunicado aos agraciados polos medios que determine a organizaci3n, e que permitan deixar constancia da notificaci3n realizada fehacientemente.

5. PREMIOS:

OS PREMIOS A SORTEAR ANTE NOTARIO NESTA CAMPAÑA consistirán en TARXETAS PREPAGO de ABANCA, debidamente personalizadas coa imaxe da campaña, e que os consumidores que resulten agraciados deberán utilizar para realizar novas compras única e exclusivamente no comercio tradicional galego, quedando expresamente excluídos os códigos de actividade interbancaria recollidos no apartado 3 das bases, así como as gasoleneiras. Deste xeito, cúmprese o fin último da campaña de incentivar o consumo e incrementar as compras no comercio retalista.

O NÚMERO TOTAL DE TARXETAS PREPAGO QUE SE SORTEARÁN NAS CATRO PROVINCIAS GALEGAS E OS IMPORTES RESPECTIVOS DAS MESMAS, SERÁN OS SEGUINTE:

- *24 TARXETAS PREPAGO POR VALOR DE 250 EUROS CADA UNHA DELAS (6 TARXETAS POR PROVINCIA).*
- *40 TARXETAS PREPAGO POR VALOR DE 150 EUROS CADA UNHA DELAS (10 TARXETAS POR PROVINCIA).*

O IMPORTE TOTAL DAS TARXETAS PREPAGO A SORTEAR NAS CATRO PROVINCIAS GALEGAS É DE 12.000 EUROS.

*O prazo de caducidade da totalidade das tarxetas prepago será ata o 30 de xuño de 2023, engadido. Polo tanto, todas as tarxetas regalo poderán ser utilizadas única e exclusivamente no pequeno comercio, e soamente ata a data límite indicada previamente (30 de xuño de 2023).*

Os premios enténdense como **cantidades brutas**, suxeitas ás **retencións** que establece a **lei vixente** no seu caso; polo tanto, dita retención aplicarase automaticamente nos supostos que proceda.



O consumidor/cliente rexistrado na campaña, poderá optar aos premios con varias participacións se é o caso, **pero unha vez agraciado cunha destas tarxetas prepago xa non poderá optar a ningunha máis na mesma edición, podendo obter polo tanto cada consumidor en cada edición unha única tarxeta prepago do importe que corresponda.**

Asimismo, **en cada edición só poderá saír un premio por establecemento comercial participante.** Isto é, que no caso de que nunha edición nun mesmo establecemento comercial xa resultara premiado un dos seus clientes cun ticket de compra feita no mesmo, e de novo resultase agraciado nesa mesma edición un novo cliente do mesmo establecemento con outro ticket de compra realizada neste mesmo comercio, neste caso, pasarase ao suplente correspondente, (e así sucesivamente) de tal forma que se distribúan os premios máis equitativamente e se dean máis oportunidades para que todos os clientes de todos os establecementos participantes podan ter a opción de obter un agasallo.

#### **RESERVAS:**

No mesmo acto de realización do sorteo telemático, ademais dos elixidos como agraciados en primeiro lugar, e empregando o mesmo sistema, serán elixidos tamén aletatoriamente o seguinte número de **reservas**, para o caso de que algún dos premiados non cumpra as condicións ou requisitos desta campaña detallados nas presentes bases reguladoras:

- **12 RESERVAS PARA AS TARXETAS PREPAGO VALORADAS EN 250 EUROS.**
- **20 RESERVAS PARA AS TARXETAS PREPAGO VALORADAS EN 150 EUROS.**

**A ENTREGA DAS TARXETAS PREPAGO AOS AGRACIADOS será realizada na modalidade que acorde a organización unha vez realizado o sorteo, sendo todos os agraciados fehacientemente notificados a tal fin, mediante comunicación persoal.**

En calquera caso, en cada edición *comunicaráselles aos agraciados previamente e coa antelación suficiente no seu caso, os lugares, datas e horas de realización do acto de entrega dos premios; ou a modalidade alternativa que se decida, cumpríndose en todo momento no acto de entrega, con todas as normas sanitarias e de protección da saúde vixentes nese momento.*

No caso de que algún agraciado non se presente a recoller o premio correspondente, unha vez notificado fehacientemente e convocado a tal efecto, **entenderase que renuncia ao mesmo a tódolos efectos**, salvo que o agraciado xustifique a súa ausencia ante a organización por causa de forza maior allea á súa responsabilidade.

6. A entidade organizadora realizará tódolos trámites pertinentes para a comunicación previa desta campaña ao servizo de XOGOS, encargándose asimismo da liquidación das pertinentes taxas perante Facenda Autonómica (**12% do valor económico total do sorteado**).

7. Estas bases serán depositadas ante NOTARIO, e asimismo, estarán a disposición de tódolos consumidores interesados en participar e que desexen consultalas, na páxina web [www.diasazuis.com](http://www.diasazuis.com).

A mera participación nesta campaña supón a plena aceptación destas bases, así como a aceptación de tódalas condicións e requisitos recollidos nas mesmas a tódolos efectos.



8. **PROTECCIÓN DE DATOS.** De conformidade co disposto no **Reglamento da UE 2016/679 de 27 de abril do 2016, así como na Lei orgánica 3/2018 de 5 de decembro de protección de datos personais e restante normativa estatal de aplicación no seu caso, infórmase que os datos subministrados polo titular dos mesmos aos efectos de participar nesta campaña, serán incorporados a un ficheiro ou rexistro privado e confidencial, do que é titular e responsable a entidade **FEDERACIÓN GALEGA DE COMERCIO, CIF G27170158, Ronda da Muralla, nº 52, entrechán dereita, 27002 de Lugo; teléfono 982255120, e-mail [fgc@comerciogalicia.es](mailto:fgc@comerciogalicia.es)** Este ficheiro estará depositado e almacenarase pola empresa: **CDMON, con domicilio en Malgrat de Mar, 08380 de Barcelona, C/ Girona 81-83, Local 6,** entidade que cumprirá asimesmo con tódalas garantías de confidencialidade e con tódalas obrigas derivadas da normativa de protección de datos aplicable**

Que a lexitimación para a obtención destes datos ven dada, pola necesidade de contar cos mesmos para poder participar nesta campaña/acción promocional ou publicitaria, sendo tales datos tratados con todas as garantías, e coa única finalidade de dar saída e cumprimentar os fins e obxectivos propios da campaña, e serán ditos datos conservados polo responsable do ficheiro durante o período de duración de dita campaña.

A través da súa participación nesta campaña, o titular dos datos cedidos para a mesma, confirma que coñece e acepta o contido destas bases, presta o seu consentimento e autoriza expresamente a que tales datos básicos de identificación facilitados a tal fin, así como as imaxes tomadas no seu caso dos actos da campaña, poidan ser publicitados/as en medios de comunicación, redes sociais, etc, todo elo a efectos única e exclusivamente de divulgar e publicitar dita acción promocional. Asimesmo autoriza a que os datos sexan cedidos a terceiras empresas relacionadas coa entidade organizadora, aos únicos e exclusivos efectos de dar cumprimento aos fins da campaña en canto a divulgación, publicidade e promoción da mesma.

O titular dos datos subministrados, poderá exercer en calquera momento, os seus dereitos de acceso, rectificación ou supresión, limitación do tratamento, oposición ao seu tratamento, portabilidade, esquecemento, e todos aqueles recollidos na normativa aplicable, por medio de comunicación escrita dirixida a **FEDERACIÓN GALEGA DE COMERCIO, Ronda da Muralla, nº 52, entrechán dereita, 27002 de Lugo; teléfono 982255120, e-mail [fgc@comerciogalicia.es](mailto:fgc@comerciogalicia.es)**, na cal conste expresamente e se especifique o dereito que desexa exercer.

O titular ten dereito tamén a reclamar ante a autoridade de control en materia de Protección de Datos, no caso de que considere que se vulneraron os seus dereitos nesta materia ou non obtivera satisfacción no exercicio dos mesmos.

9. A **Federación Galega de Comercio** resérvase o dereito a modificar total ou parcialmente estas bases, así como o de suspender a campaña/sorteo, sen incurrir en ningún tipo de responsabilidade.



## RECIBO DE PRESENTACIÓN NO REXISTRO ELECTRÓNICO DA XUNTA DE GALICIA

A solicitude, escrito ou comunicación para Comunicación previa para a realización de combinacións aleatorias con fins publicitarios ou promocionais presentada por FEDERACION GALEGA DE COMERCIO con NIF G27170158 tivo entrada no Rexistro Electrónico da Xunta de Galicia cos seguintes datos:

NÚMERO DE ENTRADA	DATA E HORA DA PRESENTACIÓN	DESTINO
2022/2340916	23-09-2022 12:00	Servizo de Xogo

A seguinte táboa recolle un resumo electrónico da solicitude, escrito ou comunicación presentada e, se fose o caso, un índice e un resumo electrónico da documentación que se declara achegar:

Documento achegado	Nome do arquivo	Resumo electrónico do arquivo (Algoritmo SHA-256)
Solicitude (Anexo)	Solicitude-PR300A-20220923.pdf	2A574C44C52A0875477EC19673FB1738060193D18518 4CCE33BD04FB3B6D499D
BASES DIAS AZUIS OUTONO 2022	BASES DIAS AZUIS OUTONO.doc	2F1C9A70ED4D0E3EB0F22AE2EE6E35FE1E8854C8059 E908A6290B11888F1DB5
PROTOCOLO NOTARIO	PROTOCOLO NOTARIO.pdf	F8B0F78ED8DC8E90E1EE3C49C03986CF03DF717A88 BA411BA887DA6F379AC8E5
CERTIFICADO DOS PREMIOS	CERTIFICADO PREMIOS.pdf	EA56C4512379F63277F0C8BC5ED650F066973C46E522 6FC0FBA3C16DB179F05E

